

CUSSEGL GROND

Sessiun d'october 2023

Dumonda Collenberg concernent la lingua en las medias socialas

Dapi l'onn 2013 dovra l'administraziun chantunala medias socialas per la communicaziun envers anora. Raits socialas sco Facebook, Twitter, Instagram u LinkedIn pussibiliteschan d'infurmar en ina moda simpla e directa cunzunt davart ils cuntegns ed ils servetschs quotidianas dal maun public. Cun quels chanals da communicaziun cuntanschan il chantun e la Regenza persunas che na consumeschan betg medias classicas sco per exempel medias stampadas.

Il dumber da followers mussa cleramain, ch'il chantun cuntanscha bleras persunas cun ils chanals en las medias socialas. I dat en egl, ch'i vegn communitgà predominantamain en tudestg sur ils accounts uffizials. Cuntegns rumantschs e talians èn fitg rars.

Sut quest aspect vulan las sutsegnadras ed ils sutsegnaders savair il suandant da la Regenza:

1. Tge regulaziuns concernent las linguas valan per ils chanals da las medias socialas?
2. È la Regenza er da l'avis, ch'i duai vegnir communitgà en moda equilibrada en tudestg, rumantsch e talian sur ils accounts chantunals?
3. Co giuditgescha la Regenza la situaziun actuala concernent la lingua sur ils chanals menziunads?

Cuira, ils 18 d'october 2023

Collenberg, Rettich, Widmer, Baselgia, Bergamin, Berther, Biert, Binkert, Bischof, Bisculm Jörg, Bleuler-Jenny, Cahenzli-Philipp, Candrian, Censi, Crameri, Danuser (Cazas), Degiacomi, Derungs, Dietrich, Epp, Furger, Gansner, Gartmann-Albin, Hoch, Jochum, Kaiser, Kohler, Kreiliger, Loepfe, Mazzetta, Negretti, Nicolay (Bever), Preisig, Quinter, Righetti, Rusch Nigg, Said Bucher, Saratz Cazin, Spagnolatti, Tomaschett, Ulber, Zanetti (Sent)